



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-3-40-497-5/23**
Datum: **30.11.2023. godine**

«Agencija za vodno područje rijeke Save» Sarajevo rješavajući po zahtjevu Investitora „DONNIA TRADE“ d.o.o. Bugojno za donošenje rješenja o vodnoj dozvoli za aktivnost koja može privremeno ili trajno degradirati kvalitetu voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za štavljenje i obradu kože, obrada i bojenje krzna, izgrađenog u ul. Kožarska 18, općina Bugojno, na osnovu člana 109. stav (1) točka 2. i stav (2) točka 1. Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola Investitoru „DONNIA TRADE“ d.o.o. Bugojno za aktivnost koja može privremeno ili trajno degradirati kvalitetu voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta za štavljenje i obradu kože, obrada i bojenje krzna, izgrađenog u ul. Kožarska 18, općina Bugojno, na zemljištu označenom kao k.č. br. 1512/2, zk.ul.378, k.o. Crniče (kat.br.1532, p.l. 2409, k.o. Bugojno) i k.č. br.1514/1, zk.ul.196, k.o. Crniče (kat.br.226, p.l.1360, k.o. Vesela), općina Bugojno.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav (2) točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da korisnik predmetnog objekta, za vrijeme trajanja ove dozvole, osigura da se onečišćene vode iz proizvodnog procesa, sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda a zatim ovako tretirane vode, preko kontrolnog šahta upuštaju u gradski kanalizacijski sustav kojim gospodari JKP „Vodovod i kanalizacija“ d.o.o. Bugojno a sve u skladu s Uredbom o uvjetima ispuštanja otpadnih voda u okoliš i sustave javne kanalizacije („Službene novine Federacije BiH“ broj 26/20 i 96/20).
 - 3.3. Objekte čija je svrha odvođenje i prečišćavanje onečišćenih voda (taložnici, separator ulja i masti, slivnici i rešetke, kanalizacijska mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.4. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja iz uređaja za prečišćavanje otpadnih voda, neophodno je voditi službenu evidenciju i arhivu.
 - 3.5. Ukoliko Vlada kantona propiše dodatne uvjete za ispuštanje otpadnih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste primijeniti.
 - 3.6. Da se redovno vrši monitoring prečišćene otpadne vode iz svih ispusta shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13 i 26/14).
- 3.7. Zbrinjavanje otpadnih materija, koje se mogu javiti u tehnološkom procesu štavljenje i obradu kože, obrada i bojenje krzna, vršiti u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 3.8. Da se kod održavanja poslovnog objekta praktikuju suho čišćenje radnih površina i opreme, prije pranja vodom, kako bi se smanjila količina otpadnih voda i teret zagađenja, a time i racionalno koristila voda.
 - 3.9. Da se, u skladu sa propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.10. Otpad koji nastaje u postupku štavljenje i obradu kože, obrada i bojenje krzna kao i drugi nusproizvodi, te mulj iz postrojenja za prečišćavanjem otpadnih voda ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
 5. U periodu važenja ove dozvole, investitor odnosno korisnik „DONNIA TRADE” d.o.o. Bugojno je dužan provoditi sve mjere i aktivnosti propisane istom.
 6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
 10. Ova vodna dozvola, shodno članu 117. stav 1. Zakona o vodama („Službene novine Federacije BiH» broj 70/06) se daje sa rokom važenja od 5 (pet) godina od dana izdavanja rješenja.
 11. Prije isteka važnosti ove dozvole vlasnik poduzeća „DONNIA TRADE” d.o.o. Bugojno, dužan je da zatraži izdavanje nove vodne dozvole.

O b r a z l o ž e n j e

Investitor „DONNIA TRADE” d.o.o. Bugojno, podnio je zahtjev za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda iz objekta štavljenje i obradu kože, obrada i bojenje krzna, izgrađenog u ul. Kožarska 18, općina Bugojno, na zemljištu označenom kao k.č. broj 1512/2, zk.ul.378, k.o.

Crniče (kat.br.1532, p.l. 2409, k.o. Bugojno) i k.č. br.1514/1, zk.ul.196, k.o. Crniče (kat.br.226, p.l.1360, k.o. Vesela), općina Bugojno.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji, broj: 051-0-Reg-22-000082 od 22.02.2022. godine, izdanog od strane Općinskog suda u Travniku.
- Ovjerena kopija Uvjerenja o poreskoj registraciji, od 29.03.2011.godine, izdanog od strane Porezne uprave – Kantonalni ured Novi Travnik,
- Ovjerena kopija Uvjerenja o upisu u jedinstveni registar obveznika indirektnih poreza broj: 04/I-UPP/1-3293/07 od 01.08.2007.godine, izdanog od strane Uprave za indirektno-neizravno oporezivanje Banja Luka,
- Upotrebna dozvola za dogradnju objekta za pripremu, doziranje kemikalija i smještaj opreme za prečišćavanje otpadnih voda br: 05-23-00485-16 od 28.2.2022.god, izdanog od Službe za urbanizam, građenje, geodetsko-katastarske i imovinsko pravne poslove općine Bugojno;
- Glavni projekt postrojenja za prečišćavanje otpadnih voda izrađen od poduzeća „HIGRACON“ d.o.o. Sarajevo iz 2/2014.god.;
- Tehnički elaborat o ispuštanju otpadnih voda izrađen od poduzeća „ HIGRACON“ d.o.o. Sarajevo iz 5/2013.god.;
- Izvještaj o ispitivanju kvaliteta tehnoloških otpadnih voda br.1183/23 izrađen od „ INSPEKT RGH“ d.o.o. Sarajevo.
- Okolinska dozvola br. 05-23-00326-20 od 07.05.2020.god. od Službe za urbanizam, građenje, geodetsko-katastarske i imovinsko pravne poslove općine Bugojno;
- Rješenje o vodnoj dozvoli br. 05-25-35/18 od 22.10.2018.god. izdano od Ministarstva poljoprivrede, vodoprivrede i šumarstva KSB;
- Ugovor o preuzimanju otpada s poduzećem JKP „ČISTOĆA“ d.o.o. Bugojno od 25.06.2007.
- Ugovor o plaćanju komunalnih usluga koje se odnose na vodoopskrbu i ispuštanje otpadnih voda u javni kanalizacioni sustav, sklopljen s poduzećem JKP " Vodovod i kanalizacija" d.o.o. Bugojno;
- Rješenje o Vodnoj dozvoli br. UP-I/25-3-40-246-5/18 od 02.07.2018.god. izdana od AVP Sava;
- Uplatnice administrativne takse i po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-497-4/23 od 24.11.2023. godine.

Objekt koji se koristi za štavljenje i obradu kože, obrada i bojenje krzna, izgrađen je u ul. Kožarska 18, općina Bugojno, na zemljištu označenom kao k.č. broj 1512/2, zk.ul.378, k.o. Crniče (kat.br.1532, p.l. 2409, k.o. Bugojno) i k.č. br.1514/1, zk.ul.196, k.o. Crniče (kat.br.226, p.l.1360, k.o. Vesela), općina Bugojno.

Kroz proces, koji je osnovna djelatnost poduzeća, vrše se sljedeće operacije: Prijem i skladištenje kože, kvašenje ili odsoljavanje, ispiranje, strojno skidanje mesine, otkrećavanje, bajcanje, zakiseljavanje, proces štavljenja, bojenje i mašćenje, vakumiranje, sušenje, omekšavanje, bojenje, peglanje i sortiranje.

Za sve navedene operacije instalirano je postrojenje za tretman tehnološke otpadne vode (proizvođač HUBER) a ispuštene otpadne, tehnološke vode se preko revizionog okna upuštaju u internu kanalizacionu mrežu koja je spojena s glavnim kolektorom otpadnih voda kojim gospodari JKP Vodovod i Kanalizacija.

Između postojećeg postrojenja za tretman otpadnih voda i ispusta u interni kanalizacioni sustav, postavljeno je mjerno okno.

Izvještaj o ispitivanju kvaliteta otpadnih voda, br.1183/23 izrađen od „INSPEKT RGH“ d.o.o. Sarajevo ukazuje da su svi parametri u granici dozvoljenih, propisanih važećom uredbom.

Oborinske vode s krovnih ploha objekta, manipulativnih površina kao i sanitarno fekalne vode, direktno se upuštaju u javni, gradski kanalizacijski sustav za koje JPK „Vodovod i kanalizacija“ posjeduje vodnu dozvolu za ispuštanje otpadnih voda u rijeku Vrbas.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u točki 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka cc) i članova 15, 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatira se da je podnosilac zahtjeva „DONNIA TRADE“ d.o.o. Bugojno iz Bugojna, ispunio minimum uvjeta za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanja tehnoloških otpadnih voda, te je riješeno kao u dispozitivu ovog Rješenja. Podnosilac zahtjeva je uplatio upravnu i administrativnu taksu u iznosu od 70 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.građ.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- "DONNIA TRADE" d.o.o. Bugojno, Kožarska 18, Bugojno .
- AVP Sava, ISV-vodna knjiga
- Sektor 50
- Org.jed. 40 – arhiva
- Oglasna ploča AVP Sava